



Komunikadu Imprensa

28 Abril 2021

Tinan 20 JSMP Kontribui ba Setór Justisa no Lejislativu **JSMP agradese parte hotu no lansa *online* Relatóriu: Observasaun Setór Justisa,** **Observasaun Setór Lejislativu, Institusionál no relatóriu temátiku**

Ohin, 28 Abril nu'udar loron aniversáriu Judicial System Monitoring Programe (JSMP) no iha tinan ida ne'e JSMP kompleta tinan 20 kontribui ba prosesu dezenvolvimentu setór justisa no lejislativu iha Timor-Leste.

Iha selebrasaun ne'e, JSMP mós lansa relatóriu tinan 2020 hamutuk haat (4) ho meu *online* mak hanesan relatóriu anuál rua (2) kona-ba Observasaun Jerál ba Setór Justisa (OJS) no Relatóriu Observasaun Parlamentár (ROP), Relatóriu Institusionál JSMP no Relatóriu temátiku ida kona-ba mekanizmu ba garante Konstituisaun no *impeachment* ba Prezidente Repúblika.

“Hanesan tinan kotuk, iha tinan ida ne'e JSMP kontinua lansa relatóriu sira liuhusi *online* hodi kumpri medida sira prevensaun Covid-19 no iha tempu hanesan JSMP mós selebra JSMP nia tinan ne'ebé iha loron ida ne'e kompleta tinan 20. Tanba ne'e, JSMP hakarak agradese ba parte hotu ne'ebé apoiu no kontribui ba JSMP desde ezisténsia JSMP durante tinan 20 nia laran no husu nafatin ba parte sira atu kontinua apoiu JSMP,” dehan Ana Paula Marçal, Diretora Ezekutiva JSMP.

Relatóriu Observasaun Jerál Setór Judisiáriu diskute kona-ba progresu no dezafiu sira iha setór justisa nian, inklui estatístika kazu sira ne'ebé julga iha tribunál distritál sira no Tribunál Rekursu durante tinan 2020. Partikularmente relatóriu ne'e elabora kazu sira ne'ebé julga iha tribunál distrital sira.

Relatóriu observasaun parlamentár sublina kona-ba funcionamentu no efetividade serbisu parlamentu nian inklui pontualidade deputadu sira nian iha parlamentu iha tinan 2020.

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77040735

www.jsmp.tl
info@jsm.tl

Facebook: www.facebook.com/timorleste.jsmp

Relatóriu Institusionál, rezumu JSMP nia atividade sira no koperasaun serbisu JSMP ho organizasaun seluk durante tinan 2020 inklui apoiu finansiamentu ne'ebé JSMP simu husi doador sira.

Entretantu parte relatóriu temátiku nian, deskreve kona-ba rezultadu peskiza no analiza kona-ba situasaun polítika sira ne'ebé akontese durante ne'e, liuliu kona-ba asaun polítika tantu husi titulár sira órgaun soberanu nian tantu públiku jerál kona-ba atu garante Konstituisaun no halo *impeachment* ka prosesu hasoru Prezidente Repúblika.

JSMP espera katak rekomendasaun importante iha relatóriu sira ne'e bele hetan konsiderasaun husi instituisaun relevante sira hodi hadi'ak funksionamentu sistema justisa formál no lejislativu di'ak liutan iha futuru.

Atu hetan informasaun liu tan favor kontaktu:

Ana Paula Marçal

Diretora Ezekutivu JSMP

Telefone: 3323883 | 77040735

Website : <https://jsmp.tl/>